



# Acta de l'Asamblea Extraordinaria del Unión Club Ceares

**44** presentes (con drechu a votu 43)

84, 128, 119, 490, 240, 27, 198, 538, 144, 61, 168, 156, 190, 122, 415, 120, 263, 213, 390, 70, 64, 151, 219, 428, 46, 47, 25, 439, 460, 48, 459, 58, 305, 152, 126, 48, 653, 93

La mesa ta compuesta por:

- **Presidente:** Alberto Álvarez García
- **Vicepresidente:** Xosé Ramón Fernández Estrada
- **Secretariu:** Ceferino Laviada Fernández
- **Vocales:** Gerardo Rodríguez Álvarez, Fernando Antuña, Roberto Colunga.

Nel Campu de La Cruz, a les 20:00 hores, en **segunda convocatoria**, del día 26 de mayu de 2022 va xuntase l'**Asamblea Extraordinaria de Soci@s del UCC**, pa tratar l'orde del día que vien darréu:

1. LLECTURA Y APROBACIÓN DEL CABERU ACTA
2. SEPARTÁU ECONÓMICU (PRECIU CUOTES SOCIALES Y COSTU D'ENTRAES)
3. SEPARTÁU DEPORTIVU
4. SEPARTÁU SOCIAL (INSTALACIONES Y PROPUESTES POLA PARTE DE L@S SOCI@S)
5. RUEGOS YA ENTRUGUES

## 1. LLECTURA Y APROBACIÓN DEL CABERU ACTA.

Apruébase por unanimidá ensin modificación dala.

## 2. SEPARTÁU ECONÓMICU (PRECIU CUOTES SOCIALES Y COSTU D'ENTRAES)

La mesa propón caltener les cuotes sociales afitae na temporada 21/22, y fixar el preciu de les entraes en 10€. Amás, propón seguir intentando algamar alcuerdos particulares con otros clubes, como ya se fixo esta temporada.

Vótase, y s'algama'l resultáu que vien darréu: **25 votos a favor, 1 votu a la escontra y 17 abstenciones.**

## 3. SEPARTÁU DEPORTIVU.

Pospónse l'aporte d'esta información a l'asamblea al nun tar presente'l direutor deportivu por motivos personales yalcontrase tovía en negociaciones no que cinca a les altes/baxes pa la temprada viniente.

#### 4. SEPARTÁU SOCIAL (INSTALACIONES Y PROPUESTES POLA PARTE DE L@S SOCI@S)

**4.1.-** Como pa la próxima temporada fina l'alcuertu de filialidá col Veriña y na cabera asamblea s'aprobó aldericar ya votar el so posible anovamientu enantes de qu'asocediera por pidimientu espresu del **sociu 64**, entrúgase a l'asamblea si hai dalguna propuesta de meyora de l'alcuertu, amás de si-y da'l preste a la so continuidá.

Vótase, y s'algama'l resultáu que vien darréu: **20 votos a favor, 1 votu a la escontra y 22 abstenciones.**

**Apruébase anovar l'alcuertu de filiaidá col Veriña y tratar esti puntu tolos años al final de cada temporada.**

**4.2.-** El **sociu 190** propón la emisión de títulos de propiedá simbólicos del club. La mesa indíca-y que'l carné de sociu/-a ya rescampla y dexa pernidia esa propiedá.

Entovía asina vótase, y s'algama'l resultáu que vien darréu: **7 votos a favor, 3 votos a la escontra y 27 abstenciones.**

**Apruébase la emisión de los citaos títulos, y queda también afitao que solo s'emitirán baxo demanda y cobraránse los gastos de impresión del citáu título.**

#### 5. RUEGOS YA ENTRUGUES.

**5.1.-** El **sociu 27** propón un alcuertu col *Manuel Rubio* col razonamientu de que tamién ye un club del barriu.

Vótase, y s'algama'l resultáu que vien darréu: **4 votos a favor ,20 votos a la escontra y 19 abstenciones.**

**Refúgase'l posible alcuertu col *Manuel Rubio*.**

**5.2.-** El **sociu 27** propón que la plantilla pague les amonestaciones, nun llegándose nin a producise votación.

Desplícase la situación d'anguño tanto deportiva como económica pola parte del vicepresidente.

**5.3.-** Propónse xugar un partiu nel campu de La Cruz escontra *Unionistas de Salamanca CF*, cediendo les perres que se faigan na taquilla al citáu club ante la so situación pola superficie onde xueguen los sos encuentros.

El **socio 70** solicita que se faiga una votación para ratificar la medida.

Vótase, y s'algama'l resultáu que vien darréu: **33 votos a favor ,1 votu a la escontra y 9 abstenciones.**

**Nun habiendo más asuntos pa tratar, levántase la sesión, a les 20.45h del día citáu, de too lo cual doi fe como secretariu y echo la robla col V<sup>u</sup> B<sup>u</sup> del presidente.**

V<sup>u</sup> B<sup>u</sup> EL PRESIDENTE

Roblao:AlbertoÁlvarezGarcía



EL SECRETARIU

Roblao: Ceferino Laviada Fernández

